

17 OCT 2003

KAKITANGAN KERAJAAN NEGERI DAPAT BONUS SETENGAH BULAN

KOTA KINABALU, 17 Okt (Bernama) -- Ketua Menteri Datuk Seri Musa Aman hari ini mengumumkan bonus setengah bulan gaji kepada kira-kira 30,000 kakitangan kerajaan negeri Sabah.

Pembayaran bonus itu adalah sebagai tanda penghargaan kerajaan atas sumbangan, usaha gigih dan profesionalisme yang ditunjukkan oleh kakitangan Kerajaan Negeri, katanya semasa membentangkan Bajet 2004 negeri di Dewan Undangan Negeri di sini, hari ini.

"Kami harap pembayaran bonus itu akan terus memberikan motivasi kepada mereka supaya bekerja dengan lebih gigih lagi," kata Musa yang juga Menteri Kewangan negeri.

Bagaimanapun, beliau tidak mengulas tarikh bayaran bonus itu.

Kerajaan Negeri sentiasa membayar jumlah bonus yang sama selaras dengan jumlah yang ditawarkan oleh kerajaan pusat kepada kakitangan awam.

Perdana Menteri Datuk Seri Dr Mahathir Mohamad mengumumkan bonus setengah bulan gaji kepada kakitangan awam persekutuan semasa membentangkan Bajet 2004 di Parlimen pada 12 Sept lepas.

-- BERNAMA

JS DC PR